



NOTULE VAN 'N SPESIALE VERGADERING VAN DIE UITVOERENDE BURGEMEESTERSKOMITEE GEHOU IN DIE MALMESBURY BANKETSAAL OP WOENSDAG, 24 JUNIE 2015 OM 09:00

TEENWOORDIG:

Uitvoerende Burgemeester, rdh T van Essen (voorsitter)
Uitvoerende Onderburgemeester, rdh M S I Goliath

Lede van die Burgemeesterskomitee:

Rdl R F van der Westhuizen
Rdl M van Zyl
Rdl W Wilskut

Ander raadslede:

Rdh N J A Rust

Beampes:

Munisipale Bestuurder, mnr J J Scholtz
Direkteur: Korporatiewe Dienste, me M S Terblanche
Direkteur: Ontwikkelingsdienste, mnr J T Steenkamp
Direkteur: Siviele Ingenieursdienste, mnr A J Botha
Direkteur: Beskermingsdienste, mnr P A C Humphreys
Bestuurder: Begrotingskantoor en Kostebestuur, me H Papier
Bestuurder: Sekretariaat en Rekords, me N Brand

1. OPENING

Rdl M van Zyl open die vergadering met gebed op versoek van die voorsitter.

2. VERLOF TOT AFWESIGHEID

Verlof tot afwesigheid word verleen aan rdl M Rangasamy.

3. NUWE SAKE

3.1 NERSA: GOEDKEURING VAN ELEKTRISITEITSTARIEWE VIR 2015/2016 (16/2/1/2/1, 5/4/1/3)

Die Uitvoerende Burgemeester verwys na die publieke vergaderings wat tans deur NERSA gefasiliteer word aangaande die oorweging van die addisionele 12,5% verhoging in elektrisiteitstariewe soos voorgestel deur Eskom.

Rdh T van Essen noem dat aangesien die komitee tydens 'n vergadering gehou op 11 Maart 2015 aangedring het om alle elektrisiteitstariewe met 12,2% te verhoog, die verlies in inkomste as 'n resultaat van NERSA se goedkeuring gemeet teenoor die aanvanklike verhogings dus minder sou wees.

Die Munisipale Bestuurder behandel die verslag met verwysing – soos uiteengesit in die verslag – na die tariewe van die Raad wat nie deur NERSA aanvaar is nie, naamlik tariewe 4, 8, 9 en 1 (blokke 1 en 2) en gejaardgaande verlies in inkomste.

Besluit/...

4.1/...

BESLUIT (vir voorlegging aan die Raad)

- (a) Dat kennis geneem word van die goedkeuring van die verhoging in elektrisiteits-tariewe deur NERSA vir die 2015/2016 finansiële jaar;
- (b) Dat goedkeuring verleen word vir die verminderde elektrisiteitstarief soos bepaal en aanvaar deur NERSA, en die beraamde verlies in inkomste ten bedrae van R420 957,00 (0.19% van die totale inkomste) as 'n resultaat hiervan, naamlik:

Tarief	Aansoek verhoging	NERSA verhoging toegestaan
4 Kommersieel alternatief <15A	12.20%	6.30%
8 Kommersieel voorafbetaal	12.20%	6.72%
9 Sportveldverligting	12.20%	0%

- (c) Dat, sou die addisionele tariefverhoging soos voorgestel deur Eskom deur NERSA verwerp word, die volgende verminderde tariefverhogings soos bepaal deur NERSA nie op hierdie stadium aanvaar word nie, en dat die tariefverhoging van 12.2% met ingang van 1 Julie 2015 geïmplementeer word. Dat 'n skriftelike beswaar, met motivering, by NERSA ingedien word teen die toegestane tariefverhoging ten opsigte van tarief 1 (blokke 1 en 2), naamlik:

Tarief	Blok	Aansoek verhoging	NERSA verhoging toegestaan
1 Residensieel konvensioneel	1 & 2	12.20%	6.3% en 7.3%

**3.2 AANVAARDING VAN DIE VERORDENING AANGAANDE MUNISIPALE GROND-
GEBRUIKSBEPLANNING (1/1)**

Die Munisipale Bestuurder noem dat dit belangrik is om kennis te neem dat munisipaliteite nou ten volle verantwoordelik is vir die totale proses, ook die hantering van appelle en hofsake wat daaruit mag voortspruit, wat voorheen deur Provinsie hanteer was.

Mnr J J Scholtz rapporteer aangaande die vordering om eksterne lede vir die Munisipale Beplanningstribunaal te werf en dat die Aanstellingskomitee op 8 Julie 2015 bymekaar sal kom om die aansoeke te oorweeg. Mnr Scholtz bevestig dat agt aansoeke ontvang is.

Rdh N J A Rust – deur die voorsitter – versoek dat 'n voorlegging tydens die Spesiale Raadsvergadering op datum gedoen word aangaande die nuwe stukke wetgewing wat ontwikkel is en wat die afkondiging van 'n verordening noodsaak ten einde alle raadslede op hoogte hiervan te bring.

BESLUIT (vir voorlegging aan die Raad)

- (a) Dat kennis geneem word van die inhoud van die verslag;
- (b) Dat daar besluit word, met verwysing na paragraaf 3 van Hoofstuk II, dat paragraaf (b) geïmplementeer sal word ten opsigte van die opstel of wysiging van die Munisipale Ruimtelike Ontwikkelingsraamwerk;
- (c) Dat die Verordening aangaande Munisipale Grondgebruiksbeplanning, aangeheg as Aanhansel A, in terme van artikel 12(2) van die Stelselwet, 2000 aanvaar word vir afkondiging in die Provinsiale Koerant.

**(GET) T VAN ESSEN
UITVOERENDE BURGEMEESTER**